



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 90. Erasmus a Francisco Galliarum Rege plurimi habitus.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

cognitum: atque approbatum. Vide-
tur Parisiense Parlamentum Regiæ hu-
jus Epistolæ rationem habuisse, ipsum-
que Jodocum Bade, qui Bedæ librum
contra Erasmus, in superhabito Regis
interdicto, prælo subjecit, reprehendisse;
quippe in tabulis Curiae Parlamenti
existat Epistola Jodoci Bade Latine
conscripta, in qua idem asserit suis literis
duntaxat sexcenta quinquaginta exemplaria
libri, quem composuit Beda, fuisse excusa,
ac nunc non nisi eorum quinquaginta
superesse, ea vero nullatenus se venditurum
promittere.

Sæcul. XVI.
A. C. 1526

§. XC.

*Erasmus a Francisco Galliarum Rege
plurimi habitus.*

Hæc Francisci Regis Benevolentia
haud obscure testatur, quod Erasmus
jure merito plurimi habuerit, nec
illum viris de fide suspectis, aut spar-
gendis erroribus studiosis accensuerit.
Quapropter Erasmo per amicos, quos
in aula habebat, significari voluit, ut
in Francia sedem figeret, hancque in
rem eidem Conditions proposuit, quibus
ampliores haud exoptare valuisset. Hæc
ex quadam Epistola discimus, quam
Guilielmus Cop Regis Medicus speciali
ejusdem jussu die decima sexta Februarii
hoc

*Int. Epist.
Eras. ep. 96*

Sæcul. XVI.

A C. 1526

hoc anno ad Erasmum perscripsit, afferens, quod non modo Guilielmus Parvus Theologiæ Doctor, qui & Regi a confessionibus erat, sed & Franciscus Rupifortius, olim ejusdem Principis Moderator, doctrinam, ac ceteras omnino præclaras Erasmi dotes tam amplis celebrarint encomiis, ut Regi talem virum alloquendi, atque in Gallias accersendi desiderium instillaverint: Rex vero tam copiosa laude captus Guilielmo negotium dederit, ut Erasmo Regis affectum significaret, simulque ab eo sciscitaretur, an in Galliis permanere vellet, id vero, si ei luberet, Rex ei copiam faceret, ut sustentationis suæ conditiones præscribere posset; hanc enim Regis voluntatem esse ajebat, ut ei fidem faceret, illum tot bonis auctum iri, ut eum patria sua excessisse nunquam pœniteret.

§. XCI.

Regis promissa ad Erasmum in Gallias accersendum.

Augebatur Regis existimatio de Erasmo concepta ex ipsa lectione librorum, quos vir ille doctus vulgaverat; quocirca eum crebrius, ut in Franciam veniret, sollicitari jussit, quin imo ipse etiam propria manu ad eum literas per-